

欽定石渠寶笈續編

欽定石渠寶笈續編

第三十六

御書房藏一

列朝名人書畫一

唐摹王獻之元度來遲帖一卷

本幅麻紙本。縱七寸八分。橫二尺一寸。草書。  
元度何來遲。深令人憂懸。耶常謂有理。因祠  
監多感。足下事甚善。然所造極難。想足下每  
思先後卿。豈須言親親不已意耳。安石。停此。

過半日猶得一宿。何物喻之一十當浦送近  
道。所以致歎。陽諸懷兒不可言。且不復得卿  
送。有諸歎。今此夾上道獻之。

後隔水董其昌題

唐摹下真蹟一等。余所見二王帖凡二十種。  
皆雙鉤廓填。然與手書了不異。雖米海岳亦  
謂莫可識別。此元度帖其一也。用卿善護之。  
董其昌題。戊戌至前五日。

後幅謝淞洲題

大令元度來遲帖。摹入淳化閣者。筆勢急疾。  
縱放。與此卷唐人所摹。毫不相類。遂令黃米。

有素師長史之疑此秦淮海蹟方知王著之枯槁失真後議非是雖海岳伯思之博辨也紹興千金一字收右軍遺蹟右軍十帖不敵大令一紙其於唐摹則云下真蹟一等合是穀說觀之則此弓之足重可知高宗嘗命向子固為揚帥搜訪故都遺物此卷有宣政璽又有子固印記蓋亦當時進御之物也鈴印二松洲林邨隱居

鑒藏寶璽

八璽全

叔傳印記雙龍小璽政和宣和萬壽之寶緝熙殿寶永昌向子固印天水趙氏吳希元印

羣雅齋書畫記餘清齋圖書印吳廷書印吳  
廷汪令聞氏秘藏汪氏學經齋寶藏謝材青  
笠綠蓑齋藏棠邨丁氏鑒賞樓收藏圖書印

羣雅齋

印

欽定

謹按此舊藏依淳化閣帖作王獻之今  
重刻本改入無名氏

陸曜六逸圖 一卷

本幅素箋本縱八寸七分橫七尺七寸設色  
畫馬融吹簫阮孚蠟屐邊韶曝腹陶潛漈酒  
韓康賣藥畢卓卧甕故事無名款每段篆書  
標名馬季長無注畫展卷有黃金游口來嘗  
等字阮孚註著幾屐者邊孝先註五經笥旁  
有總角捧卷人陶潛註葛巾漈酒畫展卷有  
結廬在人境詩一首旁有傾甕共漈人韓康

註賣藥者畢卓註口部尚書旁有執帶人前  
題陸曜畫逸人口李太尉舊物後題會昌四  
年十一月冬至後三日和景晏溫於後園高  
亭披閱太尉平章事。

御題行書

逸人六者庭曜寫袒裼威儀總弗論太尉家藏  
原有掾天鄉寺畫杳無存睡醒由已戲閱世漢  
晉忘年交結魂幾度欲題還閱筆為思樂廣著

名言 乾隆丁未仲春月御題鈐寶二古稀天子猶日孜孜

後幅前人題跋

張彥遠古今畫記云陸曜開元末時人善鬼神人物有氣韻而人莫得而傳見之大臨家藏數世乃李衛公舊物也熙寧乙卯歲重粘背鈐印一大臨

紹聖元年秋九月癸卯洛陽王瑜忠玉觀鈐印二司徒大夫之章浮化山最高處

所翁觀六逸圖忻然賦詩此路百八盤此

履往必折青冢二璧子見藥笑脣裂咄哉滿

腹詩倫理亦少絀所羞後世人讀書不讀律

顏色尚竊鈇甕卧神所忽尚有紫桑翁此巾



晉時物可憐。緯蕭人高卧。未為拙。所齊閑客。  
陳容醇中觀。肖翁所藏。信口高吟。博數千百。  
年後一笑。淳祐四年九。九。  
子桑不衣冠。聖訶同牛馬。楊除葺裸英。矯激。  
憐鄙野放。浪固有道。豈必赤赭赭。威儀當求。  
求君子不可假。源酒雖偶然。似亦非大雅。英。  
英秋菊華。不在羣草下。曜也何則然。豈為憇。  
創寫梅昌年鈐印二。居業昌年書印。  
風致一時稱。曠達畫圖千載見。遺真陸郎何。  
事毫端。不寫衣冠與縉紳。杜圻鈐印三思。  
紹堂德基陶然。  
絕愛風流六逸人。陶然曠達見天真。平泉花。  
木今何在。圖畫猶傳翰墨新。劉觀鈐印二。劉。  
朝縉氏有佳處。  
六賢又但不同時。畫史毫端只欲奇。若悟垂。  
衣鉢。且活當年宜合整。威儀戴時雨。

一生能著幾兩屐。且把金貂換酒喫。渠家醜  
熟忍我私。麝吸清香眠醉劇。此腹便便五經  
笥。夢皆周情與孔思。憤藥終韜醫國能。捷霧  
籠霄自標置。跋扈睢盱難一語。長笛聲中每  
戲軟。亂頭袒跣何足賢。放曠總為青史穢。采  
采金英歸栗里。嚴世楷醺聊復爾。九原可作  
將焉從。執轡吾其隨。武子永嘉梅貞仲。鈴印  
三修辭。貞仲梅氏。口口  
晉室禮法衰。士夫志顛倒。蘭亭一會後。遺風  
日相紹。羣居嗜麴糵。裸裎脫巾帽。不復顧名  
教。據此六逸。誰中有靖節翁。稍稍存節操。誰  
能寫其真。畫師唐陸曜。筆力蘊蒼古。神彩蓄  
奇妙。然否吾安知。開圖發一笑。題詩聊適情。  
弗為君子道。東郭樂分生。鈴印三樂分生。東  
犖獨唱。舍哺鼓腹。

鑒藏寶璽

全八璽

古希天子壽八徵耄念之寶

取傳印記隴西德昌圖書之印奇賞栢溪之  
印又半印不可辨司徒大夫之章浮化山最  
高處汪栢溪萬卷樓書畫印徐堅曾觀

顏真卿祭姪文稿 一卷

本幅麻紙本。縱八寸八分。橫二尺三寸六分。行書。維乾元元年歲次戊戌九月庚午朔三

日壬申第十三

從父

塗去叔銀青光祿

脫大

字使

持節蒲州諸軍事蒲州刺史上輕車都尉丹

陽縣開國侯真卿以清酌庶羞祭於亡姪贈

贊善大夫季明之靈曰。惟爾挺生。夙標幼德。

宗廟瑚璉。階庭蘭玉。

方憑積善塗去

每慰人心。方期

戢穀何圖逆賊間譽稱兵犯順爾父竭誠制

塗去改被  
骨再塗去

常山作郡余時受命亦在平原仁

兄愛我

恐塗去

俾爾傳言爾既歸止爰開土門

土門既開兇威大盛

賊臣擁衆不救塗去

賊臣不救孤

城圍逼父

擒塗去

陷子死巢傾卵覆天不悔禍

誰為荼毒念爾遺殘百身何贖嗚呼哀哉吾

承天澤移牧河關

河東近塗去

泉明

爾之比者

再

陷常山

提塗去

攜爾首觀及茲同還

亦自常撫山塗去

念推切。震悼心。顏方俟遠日。

塗去二字不辨。卜再塗一字。

不可辨。爾幽宅。

拾塗去。

魂而有知。無嗟久客。嗚呼。

哀哉尚饗。

引首

御筆行書。

顏真卿祭姪文藁記。

內府所收顏真卿真蹟。

凡四。入石渠寶笈者一。

真卿書建中三年朱巨川告身。三待續入。

者三。

真卿自書告身卷。又書建中元年朱巨川告身卷。又裴將軍詩卷。

別有一

爭座位帖似屬贗鼎。列之石渠次等。不以為珍也。茲乃得其蔡姪季明文葉真蹟。披閱一再。嘆其一家捨身盡節。而為其君者如不知也。又嘆其經千年滄桑之變。而故紙宛存。誠有所謂神物呵護者也。昔張旭觀公孫大娘之舞。而悟書法。得端莊流麗之妙。若自書告身帖。及朱巨川告身帖。所為端莊者也。若裴將軍詩帖。所為流麗者也。合端莊流麗為一。而更出以無心。其在

此祭姪文稿乎。此卷之顯晦流傳。王項齡徐乾  
學論之詳矣。茲不復贅。獨是二人者。皆本朝世  
家。亦嘗叮嚀其子弟善守希珍矣。今其子弟不  
能守而鬻之鹽商。權鹽者從而買之。以登之內  
府。撫卷三嘆。知忠烈之可以永存。而聲華之未  
必恒保。更思時有忠烈之臣。則其世必多喪亂  
之事。是可畏之甚也。且此數卷。獨非宣和書譜  
中所有之真蹟乎。其轉輾流落民間。又將六百



餘歲矣。然則弃此卷於禁中。胥足以為殷鑒之  
警。是不可不記。乾隆丙午孟秋月。御筆鈐寶  
二。古稀天子之寶。猶日孜孜。

前隔水。顏魯公書祭姪帖瘦金書。無款押。

後隔水。前人題識。

右魯公祭姪帖。共計字二百三十四字。又塗  
抹三十四。合二百六十八。無名款。

後幅。

御題。

賊臣不救孤城陷。卵覆巢傾受酷殘。率彼國多  
忠烈士。知他民鮮鑿耕安。祈天永命奈何忽。制  
治保邦所以難。獨恨當時作君者。深宮歌舞自  
尋歡。丁未仲春御題鈴寶二。古希天子。猶日  
孜孜附前人。并徐乾學王項齡題跋。

宣和書譜。顏真卿祭姪季明文。知在錢塘。傳  
聞數年。辛丑歲因到江。制得於鮮于家。諸公  
聚觀。以為在世。類書中第一。鈴印一。張宴私  
印。世傳類書。凡見八本。李光顏太保帖。乞米  
帖。頓首夫人帖。今在秘書監。馬病帖。先南母  
告。昭甫告。今在田師孟郎中家。太子太師告。

在一豪貴家。此蔡姪季明文。今在余家。住京師。嘗會諸賢品題。以為告。不如書簡。書簡不如起草。蓋以告是官作。雖端楷終為繩約。書簡出於一時之意興。則頗能放縱矣。而起草又出於無心。是其心手兩忘。真妙見於此也。觀於此帖。真行草兼備三法。前宋名重當時。宣和嘗收。後為庸工剪去印記。今於幾字。猶有天水圓印痕迹。其幾於湮沒者數矣。向有錢塘始獲見焉。既歸予。予喜不能寐。東坡有云。書止於新。魯公亦於生平。收書之志。願永足矣。大德七年十一月初四日。忠宣後人集賢學士嘉議大夫魚樞密院判張晏敬書於端本堂西勸學齋。於印一。張晏私印。右唐太師魯國公書。蔡姪季明文葉。按宣和書譜。載內府所藏魯公書廿有八。此其一也。宣政小璽。及大水圓印遺跡。隱然尚存。至元

癸未。以古書數種易於東鄆曹彥禮。甲申。來杭重裝。戊子十月九日。鮮于樞拜手書鈐印。

二。鮮于伯幾印章。

山東僖父周密觀於玉琴軒。

錢塘屠約同觀。

南昌僧德一獲攬。

唐太師魯公顏真卿書祭姪季明文。葉天下行書第二。余家法書第一。至元壬午春得於東鄆曹大本。彥禮甲申。錢塘重裝。丙戌六月。鮮于樞記。鈐印二。鮮于伯幾印章。

顏魯公祭姪季明文真蹟。內為溪南吳氏收藏。後歸王氏。許布政宏勲得之以付其幕官徐介錫。介錫與余有宗人之分。重價購焉。驚喜累日。魯公為忠臣鉅儒。書禮為有唐之冠。挺勁遒邁。能化裁諸家。而居虞褚歐薛之上。後此莫能出其範圍者。此卷草稿行書。又顏

書第一。宋元章未見真蹟，以為不如坐位。今所傳傳雲館帖臨本，與此迥異。嗚呼，豈易得哉？姪季明者，忠節公果卿之少子。新舊唐書謂果卿為公從父兄，是二公本大功弟。當同居共財者，于季明實從祖叔父。稿內抹去從父二字，嫌于親季父，故改稱十三叔。其祭濠州伯父曰：十三姪男，皆就同堂兄弟行。次稱之也。考公謝贈官表有云：亡父故薛王友先臣惟貞，亡伯故濠州刺史先臣元孫等，孩提養于舅氏。臣堂兄故衛尉卿兼御史中丞果卿，即元孫之子。自序甚明。新書稱同五世祖者，謬矣。舊書云：祿山舉范陽之兵，詣闕。果卿忠誠感發，懼賊遂冠潼關。時從弟真卿為平原太守，陰養死士，招懷豪右，為拒賊之計。遣使告果卿相與起義，兵恃角斷賊歸路。以紓西寇之勢。新書亦云：遣甥盧遜至常山，約

起兵斷賊北道。此祭文云：仁兄愛我，俾爾傳言。是公使人及盧遜往來通問。李明亦必馳往約結。密商挫賊之計。顏氏一門忠孝。季明年少，能於兵間參預謀畫，効其死力。不但此難捐命，非公文十載而下，其誰知之哉？果卿有子曰泉明，素有至性，能振人之急，風義凜凜。史已詳言之。季明獨見於新書，而舊書則曰：幼子誕疑，即季明之別名。新書賊急攻常山，兵少，求救於河東王承業。承業前已據果卿殺賊功，兵不出。此文所言賊臣不救者是也。果卿晝夜戰，并竭糧矢盡。六日而陷。賊脅使降，不應。取少子季明，加刃頸上，曰：降我當活。果卿不答，遂并靈遜殺之。及至洛陽，果卿乃瞋目罵祿山以死。此文云：父陷子死，是季明先死。而果卿之慘死在洛陽。舊書謂幼子誕同，日在洛陽被縶割者，尚非事實。又天不

悔禍誰為荼毒。念爾道殘百身莫贖。詞甚沉痛。蓋兵事始末。常山與平原實相唇齒。從來謂祿山之禍。始唱義聲者。平原兄弟。公之得免屠僇。僅一間耳。公於事平之日。追數骨肉之慘。所謂痛定思痛。無有一字虛飾者也。泉明為王承業所遣。未至而常山陷。因客壽陽。復為史思明所獲。間闕得免。其後思明歸國。而公為蒲州刺史。遣泉明至河北求親屬。及東都收取尺骸。季明止存其首。故曰首觀。此文曰泉明比者再陷常山。攜爾首觀。及茲同還。爾時常山叛服不常。再陷猶云再至。是季明首觀乃泉明再至常山得之。益知季明死於常山。非死於東都也。通鑑至德二載。贈故常山太守顏杲卿太子太保諡曰忠節。以子威明為太僕丞。威明無所表著。獨怪杲明之賢官。僅至郡令彭州司馬唐世之。褒揚節義。

者為稍薄矣。公言皆實錄。後段書體益復激  
昂。忠憤勃發。神氣震盪。公千古第一種人物。  
亦擅千古第一種書體。余哀年薄祐。何章獲  
此重寶。因考史傳同異。証其文義。而以臆見  
題識其後。子孫其永寶諸。康熙三十三年夏  
五月。徐乾學謹題。時年六十有四。鈐印三。徐

乾學之印。健菴。

魯公祭姪文。真蹟昔在大司冠徐健菴先生  
所見之。後歸叔弟儼齋。又見之。其流傳始末  
考訂証據詳著於諸跋中。不得再贅一辭矣。  
惟是魯公忠義光日月。書法冠唐賢。片紙隻  
字。足為傳世之寶。況祭姪文。尤為忠憤所激  
發。至性所鬱結。豈止筆精墨妙。可以振鐸千  
古者乎。從子彤文。知余素好古蹟。寓書贈余。  
余暮年得此。如獲珍寶。書此數語。以示子孫。  
當世世珍藏。與天地同不朽也。雍正二年十



一月十日松喬老人王頊齡謹識於燕山邸舍時年八十有三鈐印二王頊齡印瑁胡

雍正甲辰長至後四日華亭王國炳觀按唐肅宗乾元元年至

今皇帝雍正二年凡九百六十七年魯公此書閱歷已及千載矣非魯公之忠孝友義足以感格

天地書法之雄奇變化至於超神入聖安能穀經兵燹而紙墨完好神采煥然若是乎意必有神物護持故能入水不濡入火不熱也為之驚嘆無已爰志數語以著其流傳之永久云松喬老人同日載題鈐印一松喬老人

鑒藏寶璽八璽古希天子五福五代堂古稀天子

寶壽八徵耄念之寶

收傳印記趙子昂氏鮮于樞印鮮于樞文鮮于樞伯

幾父箕子之裔鮮于樞張晏私印端本家傳

句曲外史陳定陳定平生真賞陳氏世寶守

和之印陳定書印應麟汪象先氏樂志新宇

安定殷清白傳家殷光彥不棄陳彥廉氏景

白貞節堂印楊明時印張宙瑞文圖書真賞

齋喬史成氏仲輝氏吳楨周生吳希元印吳

治之印吳蹇叔吳廷書畫之印士諤吳士諤

印。吳廷。吳國遜印。俠如士美。傳是樓。徐乾學  
之印。健菴。乾學。徐健菴。崑山徐氏。乾學。健菴  
藏書。小清秘珍藏印。王永寧印。王長安父。瞻  
近堂。長安王。永寧。瞻近堂。收藏印。太原。用。御  
王項齡印。瑁湖珍秘。子孫保之。鴻緒。儼齋。儼  
齋秘玩。羣雅齋書畫記。雲間王儼齋收藏記。  
雲間王鴻緒鑒定印。趙寶口。春草堂圖書印。  
賢志堂印。世所希有。軍司馬印。

謹按傳雲館所刻祭姪文稿有陳繹曾陳深  
文徵明三跋。蓋別一本。書畫彙考所載亦同。  
而書畫舫云。祭姪文稿。定當以鮮于樞張晏  
跋尾本為真蹟。即此本也。

周昉仕女圖 一卷

本幅絹本縱一尺四寸五分橫五尺五寸八分設色畫仕女五執拂引鴝子者拈花調鶴者捉蜨者侍者持團扇一石側玉蘭方作花無名款

鑒藏寶璽

八璽全

叔傳印記紹興悅生

印蕉林□□私印

幅筆實縣弱誠有如弇州所云則此幅或即文  
矩所為未可知也且與內府所弄文矩聖蹟圖  
筆意亦有相仿者至于三峽砥柱之雄壯焚林  
烈峯之綢繆架木撐鐵曳杵撞石椎之捶之析  
之擣之剔之鬚之導之奠之衆役並力各極其  
致而大禹則免收祇坐躬持斧鑿共勞竭誠之  
意如可想見虛空金神遂有驅鬼怪轟雷掣電  
以為之陰助其工用奏地平天成之績信有非

趙宋以下畫工所能摹擬者。嗚呼。微禹其魚功  
垂萬禩。雖無圖畫。人孰不思。則况仰威儀而識  
睥睨。蒙敷奠而緬隨刊。起敬起慕。又當何如。豈  
藉考姓氏。辨古今。以為企景者哉。 乾隆丁酉  
仲夏月。御筆鈐寶二。所寶惟賢。乾隆御筆。

題籤

御筆 唐人大禹治水圖 神品 鈐寶一。乾隆宸翰。

鑒藏寶璽

全璽

古希天子五福五代堂古稀天子

寶壽八徵老念之寶。



關仝大嶺晴雲圖 一卷

本幅絹本。縱一尺八分。橫四尺七寸二分。淺設色。畫春山雲樹。崖閣旅行。無名款。

後隔水錢謙益題跋。

關仝山水。師事荆浩。畫史載浩款識。稱洪谷子。荆浩筆。書於畫之石上。而抹以重色。歷經裝潢。剥落始見。全妙有師承。落筆不苟。此大嶺晴雲圖。重林翳亘。層峰矗立。一樹一石。俱出於意匠之外。辛巳春。余遊黃山。月夜宿文殊院。友人余掄仲攀援磴道。挾此卷。足然而至。炳燭展玩。如深入此山中。悠然神遠。余謂掄仲曰。黃山三十六峯。惟天都最高而最奇。

其題嵐積霽絕峰遮雲仰而望之如對圖畫  
余遊此山而得見此圖殆山與畫互相印證  
余之所得不已多乎遂書其尾而歸之虞山  
錢謙益金印一錢謙益印

後幅王斗祥題名

會稽王斗祥敬觀於武川吳氏明遠樓鈴印  
三斗祥時觀逸少後人

題籤關仝大嶺晴雲圖無名款

裝前隔水

鑒藏寶璽

全

收傳印記御書之寶晉府書畫之印封印含

霞閣有明文靖世家劉氏圖書劉介劉介之

印如石

雙魚印

豫之解卦印子子孫孫永寶用

下若劉介天籟閣印退密項元汴印子京父

印項墨林祕笈之印樵李項氏世家寶玩世

家印寄傲子京所藏神遊心賞項叔子神品

平生真賞項子京家珍藏墨林印子京印項

墨林父祕笈之印

顧閎中畫鍾馗出獵圖 一卷

本幅素箋本。縱八寸九分。橫一丈五寸。設色畫鍾馗按劍騎驢導從者十五。持弓矢戈盾。臂鷹牽犬繫虎。無名款。有宋徽宗識。米友仁跋。

鍾馗氏出獵圖一卷。迺南唐顧閎中筆也。作鍾馗氏及諸鬼皆獠獠雄傑。所荷器械鷹犬猛獸之類。俱極精妙。設色勁淨。目中希觀也。回命裝潢以充秘玩云。宣和二年正月穀旦。睿思殿書。鈐印二。睿思殿寶押字硃印一。此卷南唐顧閎中畫。臣米友仁審定真跡。無

失。紹興甲子三月三日奉勅恭跋。

前隔水前人題跋。

朱蘭峒太史奉使益藩時得南唐顧闳中畫鍾馗氏出獵圖一卷太史秘之無異拱壁余以萬曆乙巳過南都見太史於私第因出書畫相賞及後乃出此卷余不禁瞠目失聲嘆美之太史不吝即以推惠余既獲此吳常南金重寶也迺以宋碾羊脂玉雙柱構漢銅青綠提梁卣酬之重加裝設子子孫孫其永保之時萬曆乙巳八月上澣之吉裝潢於南都金壇王肯堂記鈴印二王肯堂印太史氏。

後幅前人題跋。

至正庚子七月二日金粟道人顧阿瑛華蓋  
洞著書者饒介栢子庭輝子日觀淮海後人  
秦約同觀於楊廣夫草元閣時新秋雨後閣  
外翠樾陰森湖石桐蕉咸生涼意相與淪茗  
欣賞此卷并識歲月云顧阿瑛書  
鍾馗出獵圖一卷南唐顧闳中真蹟本出宣  
和內府有道君御書睿思小璽又思陵乾卦  
印似存入紹興內帑在御書後有宋敷文審  
定跋并勝國顧金粟諸公志記余以萬曆辛  
卯奉使益藩因出先王所藏名蹟相示遂以  
此卷見貺義不敢違勉爾祇受因齊藏之以  
識大概朱之蕃跋鈴印一狀元學士

鑒藏寶璽

八璽全

叔傳印記乾卦印高皇帝孫益府圖書云林

子。子京寶藏。董幼千珍藏印。

謹按顧閔中事元宗父子。為待詔。善畫人物。  
見十國春秋。

宋徽宗畫王濟觀馬圖 一卷

本幅絹本。縱七寸五分。橫二尺五寸四分。設色畫王濟故事。款王濟觀馬圖。鈐雙龍小璽。御題行書。

馬癖能知馬性奇。據牀解絆一觀之。宣和妙寫意外意。逸爽人為寓不羈。甲辰新秋御題。鈐寶二。古希天子。猶日孜孜。

引首



御筆。神會權奇。鈐寶一。古希天子

鑒藏寶璽

全璽

古希天子壽

取傳印記子京墨林秘玩墨林

宋徽宗瑞鶴圖

一卷

本幅絹本縱一尺六寸。橫四尺二寸五分。設色畫雙闕雲中。二鶴棲鵠尾上。十八鶴盤舞空中。瘦金書政和壬辰上元之次。久忽有祥雲拂鬱。低映端門。衆皆仰而視之。倏有羣鶴飛鳴于空中。仍有二鶴對止于鵠尾之端。頗甚閑適。餘皆翔翔如應奏節。往來都民無不稽首瞻望。歎異久之。經時不散。迺歸飛西。

北隅散感茲祥瑞故作詩以紀其實清曉觚  
棱拂彩霓仙禽告瑞忽來儀飄飄元是三山  
侶兩兩還呈千歲姿似擬碧鸞棲寶閣豈同  
赤雁集天池徘徊嘹唳當丹闕故使憧憧庶  
俗知御製御畫并書押鈐印一御書

後幅僧來復題跋

宣和道君天帝子降靈下作長生主風流不  
混世間塵清出水壺進秋宇前身雅是太  
君金縷玉象多奇勲感此仙禽四十翼朝真  
東度三山雲低回不肯去舞雪依端門長鳴

若有訴飛聲微。昆命是時。道君振衣起。遙聽  
鶴詔通仙意。濡毫為寫青田真。龍香更灑親  
題字。朱頂凝丹砂。白羽吹霜袂。內府珍藏誰  
敢沽。大貝南金爛無比。想當政和年。善治談  
老莊。遂令霞上仙。控鶴森翱翔。一朝中原成  
永訣。五國城高卧風雪。此時老鶴如可呼。便  
欲騎之上天關。豫章沙門來復謹題。政和中  
道士林靈素謂道君曰。天上有神霄玉清府。  
長生帝君主之。謂帝即長生大帝君也。政和  
六年四月。詔道錄院畧曰。朕乃上帝元子。為  
太霄帝君。可上表冊。朕為教主。道君皇帝。鈴  
印三。沙門來復見心。翠竹黃花。

鑒藏寶璽

全八璽

叔傳印記  
吳彥良氏平生心賞  
樗隱

宋徽宗寫生

一軸

本幅絹本縱五寸七分。橫六寸三分。設色畫  
蛭蛤藉敗荷葉。鈐宣和長印。并押

玉池。宋徽廟寫生。董其昌鈐印。董其昌印。

鑒藏寶璽

八璽  
全

巨然寒林晚岫圖 一軸

本幅素紙本。縱四尺三寸八分。橫一尺七寸六分。墨筆畫高山深林。無名款。有黃宣等題御題行書。

名蹟由來稱巨然。却因裝潢失其全。四家題各出手眼。頓置斯圖不少焉。戊申清和上澣御題鈴寶二。古希天子。猶日孜孜。

巨然禿阿師。清氣噴滿手。觸筆天籟生。寸楮敲瓊玖。黃宣鈴印一。彥伯。

巨然輕嵐淡墨自為一體其下筆蒼古若不經意而使文人巧夫再三摸索終不可到真與凡遠耶鐵篋雙楊維禎鈴印二會稽楊維禎印廬夫

晚岫寒烟潑眼明妍鮮墨暈曙烟澄點畫自多高世意峯頭水面任天真天台陶宗儀題鈴印一陶氏九成  
喂嶠披清樞棟胼歎水娛山樓桃源輞川悠  
悠勝情全露筆端膏巨靈手信小乘禪超然  
題巨老寒林晚岫鈴印二滄口頓

鑒藏寶璽

全璽

叔傳印記邢氏子愿書畫之記

趙昌歲朝圖 一軸

本幅絹本。縱三尺二寸二分。橫一尺六寸。設色畫梅。棹水仙。長春立石。款臣昌。

御題行書

滿幅輕綃。蒼衆芳。歲朝首祚。報韶光。硃紅石綠。出畫院。寫態傳情。惟趙昌。祇以麗稱。弗論格。粹於多霞。若聞香。宣和好畫。非真畫。跡涉竿吹。熟開塲。江少虞謂趙昌畫。若染成。不為采色所



隱是幀寫生工妙信非昌不能辦第玩其結構  
下截布置分明水仙已居其半而湖石僅五寸  
許花朵繁密畧無餘地枝幹俱未能展拓盡勢  
名人章法必不如此蓋畫幅本大或有破損處  
為庸賈割去別署偽款所存已非全璧然昌畫  
不多觀吉光片羽亦自可珍既題以什並識所  
見如右 丙申歲朝御筆鈐寶二乾隆


鑒藏寶璽

八璽

八徵耄念之寶

三  
叔傳印記大目山房圖書之記項叔子項墨  
林祕笈之印項叔子子京

印



蘇軾自書後杞菊賦一卷

本幅金粟箋本縱九寸五分橫三尺二寸行

書

後杞菊賦

并序

天隨生自言嘗食杞菊及

夏五月枝葉老硬氣味苦澁猶食不已因作  
賦以自廣余嘗疑之以為士不遇窮約可也  
至於饑餓嚼齧草木則過矣而余仕宦十有  
九年家日益貧衣食之奉殆不如昔者及移  
守膠西意且一飽而齋厨索然不堪其憂日

與通守劉君廷式循古城廢園求杞菊食之  
捫腹而笑然後知天隨之言可信不繆作後  
杞菊賦以自嘲且解之云吁嗟先生誰使汝  
坐堂上稱太守前賓客之造請後掾屬之趨  
走朝衙達午夕坐過酉曾杯酒之不設攬草  
木以誑口對案顰蹙舉箸噎嘔昔陰將軍設  
麥飯與蔥葉井丹推去而不鯁怪先生之眷  
眷豈故山之無有先生忻然而笑曰人生一

世如屈伸時何者為貧何者為富何者為美  
何者為陋或糠覈而瓠肥或梁肉而墨瘦何  
侯方丈庾郎三九較豐約於夢寐卒同歸於  
一朽吾方以杞為糧以菊為糗春食苗夏食  
葉秋食花實而冬食根庶幾乎西河南陽之  
壽坡翁鈐印一東坡居士老泉山人

鑒藏寶璽

八璽  
全

叔傳印記之赤筆硯精良人生一樂江左人

文龐場居士黃彪合同

蘇軾自書漁父詞 一卷

本幅蠟箋本。縱七寸四分。橫一尺六寸。行書。

漁父飲誰家去。魚蟹一時分付。酒無多少醉。

為期彼此不論錢數。破右漁父漁父醉蓑衣舞。

醉裏却尋歸路。孤舟短棹任斜橫。醒後不知。

何處。破右漁父軾鈐印三。東坡子。瞻東坡居士。

鑒藏寶璽。全璽

收傳印記。文同。張天雨印。收付歸來印。蔣則。



希之。吳大成。中區閣。吳肇岐。又半印。不可辨。

黃庭堅自書松風閣詩 一卷

本幅麻紙本。縱一尺二分。橫六尺八寸六分。  
行書。松風閣依山築閣見平川。夜闌箕斗擗  
屋椽。我來名之意適然。老松魁梧數百年。斧  
斤所赦今參天。風鳴鳩皇五十弦。洗耳不須  
菩薩泉。嘉二三子甚好賢。力貧買酒醉此筵。  
夜雨鳴廊到曉懸。相看不歸卧。僧孺泉枯石  
燥。復潺湲。山川光暉為我妍。野僧早饑不能

饅曉見寒溪有炊烟東坡道人已沈泉張侯  
何時到眼前釣臺驚濤可晝眠怡亭看篆蛟  
龍纏安得此身脫拘攣舟載諸友長周旋無  
名款

後幅前人題跋

宣惠堂帖有涪翁所書宿鰕湖詩後云女奴  
輩皆野竊無為和墨者故畫用一池淡墨又  
長在湖湘間雖毛筆亦堪作字蓋前輩能書  
者亦有時而來興不擇佳筆墨也此松風閣  
詩乃晚年所作筆墨雖不相副歲久光彩差  
退然書法具存章章乎義獻父子之間當有

識者嘉定壬申重午後四日。棠林道人向口  
敬跋。鈴印一不可辨。

築閣依山月露清。簷牙軒豁拂雲平。昔人大  
好吟詩處。聽徹松風晝夜聲。集賢侍講學士  
中奉大夫致仕魏必復敬題。

東坡遊惠州松風亭。一悟得熟歇。寢。活翁於  
此亦云。相看。不歸。卧僧。樓。聞香。擊竹。同見。如  
來。風。鳴。松。耶。松。鳴。風。耶。至治三年。季春。廿有  
三日。監修國史長史李洞奉。皇姊大長公主  
教。拜手稽首敬書。

閣上風來松有聲。高人胃次灑然清。當時詩  
筆。今猶在。撫卷重看眼。倍明。中書平章政事  
張珪敬題。

曾聞狂小子。恣意輕論量。浮雲風掃去。千古  
說蘇黃。集賢大學士王約謹題。  
大蘇門下士。真不愧涪翁。前日長松閣。依然

謾謾風前集待制馮子振奉皇姊大長公主命題鈴印一海粟

涪翁詞翰氣橫秋自古如君能幾箇高閣一詩四遠聞知音自有松風和前集賢大學士陳顥敬題

涪翁眉次海漫漫興在松風高閣間蘇子沈泉無復見空餘此老獨躋攀儒學提舉陳庭實載拜書

晨鐘暮鼓鎮匆匆。蟲鳥春秋各自雄。何似道人高閣上。蕭蕭雙耳聽松風。中書右司員外郎李本魯神賦監手書

黃太史書。自謂得江山之助。此詩與書皆其得意處。涪翁人品如此。詩什又如此。書法又如此。宜其為內家之珍玩也。翰林侍讀學士李源道拜觀。

謂松有風松不知。謂風入松風無形。聲絲形

始成。言六書者取焉。肇於無名。入於有名。萬  
化之始。吾未始以妄聽。松動風動。當於混沌  
以得之可矣。翰林直學士索松敬題。  
山雨溪雲散墨痕。松風清坐息塵根。筆端悟  
得真三昧。便是如來不二門。集賢直學士鄭  
文原敬題。

豫章一再愛。八體乃純如。晚得雞毛筆。大做  
繭紙書。松風閣中作。犀玉排疏臥。至今元祐  
脚。清標能起予。國子博士仰賢敬書題。  
涼風高閣響鐘笙。老墨猶思翠筍橫。寄語分  
寧黃太史。何如紫極聽秋聲。趙處公印一。魯  
詹。

岷谷黔南之後。詩文字畫尤為殊勝。蓋為世  
之所珍惜也。翰林國史院編修官杜禧敬題。  
余印一。杜禧右輔。

鑒藏寶璽

八璽

取傳印記。台州抵當庫記。賈似道印。悅生似道秋壑。封皇姊圖書。虛朗齋。神奇。仇英。十洲。惠泉山樵。天籟閣。平生真賞。項墨林父秘笈之印。桃花源裏人家。項元汴印。子京琬秘項墨林鑒賞章。樵李。墨林項季子章。項元汴氏審定真迹。墨林子。墨林山人。項子京家琬藏。項氏子京。田疇耕耨。子京所藏。樵李項氏士家。

寶玩子孫世昌。楞嚴精舍。隱居放言。式古堂  
書畫印。宮保世家。墨林堂博雅堂寶玩印。西  
疇耕耦。退密。世外法寶。合同。墨林硯癖。有何  
不可。嬾叟齋。墨林秘玩。鴛鴦湖長。墨林外史。  
南華仙吏。項墨林鑒賞章。物外元賞。子孫永  
保。寄傲。墨林嬾叟。蓬廬。山中淨侶。淨因菴。元  
汴之印。孫氏。北平孫氏。式古堂。卞氏令之仙  
客。卞永譽印。卞令之鑒定。式古堂書畫印。今



之卞永譽印。

謹按是蹟見孫承澤庚子銷夏記云有賈似  
道小印悅生秋壑長字諸印元大長公主命  
題皆與此卷合刻入  
三希堂法帖。

李公麟畫商山四皓會昌九老二圖

一卷

本幅素箋本。縱九寸五分。前幅橫七尺四寸五分。為商山四皓圖。水墨畫溪山竹樹。白描人物。臨溪樹中一叟彈琴。聽者二。一叟携杖度橋來。童子五。後幅橫六尺七寸五分。為會昌九老圖。水墨畫園林景色。白描四人堂上讀書題詩。二人舟中對奕。三人立庭際。一簪花者。童子八。無名款。

引首 龍瞑真蹟八分款嶺南黎民表書鈴

印三 黎惟敬氏司馬郎印研莊

後幅前人題跋

龍眠白描曾見數本皆據題跋謂然客有語我者曰李伯時作畫從無款識又宋人摹五季及唐人畫凡入內府者并不加款此則賞鑒家屢言之矣嘉興曹秋岳博學好古精多物宏通疑是卷無款何耶秘書黎瑤石才品學識南士推為宗工而弁字若此當必有所確承矣戊戌秋日星巖敬識

龍眠真蹟流傳絕罕予僅見黃氏蜀江勝槩圖高氏君臣事蹟六段內府山水冊四小幅外此則山莊圖雅集圖歸去來圖五百羅漢

卷數數入目中。志願鼎可畏惡也。荏苒殘年  
何意復見此卷。氣韻生動。幾上掩右丞。目顧  
陸衛展以還。古法不亡。賴龍眠在耳。把玩三  
畫。見何異入東京道上。聯銜接席。如眉山雙  
井諸君子乎。汴宋前畫。例不作款。一見便審  
定某某。南渡稍署名。入元而綴語。墮惡道。予  
平生於辨別書畫。自信有微長。星巖所云無  
款致疑者。非予語也。瞿山先生筆墨。與龍眠  
伯仲。當以予所評跋為然。携李曹溶鈴印二。  
曹溶私印。潔躬。

鑒藏寶璽

全

璽

取傳印記。藏之名山。傳之其人。天延閣圖書。  
信古齋珍藏。劉啓學印。博宮賞鑒。時菴珍賞。

信古齋寶鑒瞿山氏琬玩章星巖□□藝□  
名予曰清字之則開觀音夢授有因緣佛子

米芾書曹植元會詩一卷

本幅素箋本。縱九寸。橫七尺五寸三分。行書。

曹植元會詩。

見重華宮所藏張照臨米芾書曹植元會詩冊。

崇寧

丙戌秋日。襄陽米芾書。鈐印二。楚國米芾元

章印記。

引首

御識行書

近得米芾此卷。雖道勁可觀。而筆墨間微有滯。

氣。卷後張照跋云。微惜損數字為後人描補。則照固已疑之。第為人題識。不欲顯言。皆出鉤摹耳。照又云。此卷與秋夜卷相頡頏。秋夜詩卷即照所進。久入石渠寶笈上等。今檢閱之。字較此卷大幾六七倍。結體用筆。非不佳。而廓填痕跡。亦與此相倣。皆所謂雙鉤下真蹟一等者。內府復有芾書離騷冊。雖不署款。而姿態橫逸。神采奕然。洵非海嶽不能辨其氣。談誠足攝此卷及

秋夜卷也

戊戌仲冬下泮御識鈴寶二乾隆

前隔水

御識行書

內府有張照臨此書大燈。向命裝潢成冊。乃是  
卷未入石渠以前所臨。字體較此展大。其精神  
筆力如墨。潘耒乾者。轉覺青勝於藍。益信是卷  
出鈎摹之手。前識所評不虛也。甲辰初冬。再  
識鈴寶二。乾隆宸翰。幾暇臨池。



後幅李緝張照跋王俊等題名

米海岳書畫獨開生面予嘗分海岳姓名而戲讚之謂畫如聚米見雨中飢顛山也書有黼黻輝煌乎衮衣繡裳也居官清正拜石放身千古慨然想見其生平高宗愛其字刻於石墨寶世不多見今閱此卷覺蘇黃猶遜一籌是顛老真蹟中得意之筆名家相國珍藏甚夥未聞傳有是卷從何得來壁石使君告余曰此親戚家物初見卷首字跡漫滅祿工齊全疑是雙鉤諦視之不復疑以數緞足易之噫先生是以緞疋而易衮衣繡裳矣顛老獨出機杼裁成錦綺置諸清廟明堂夫復何憾焉乾隆七年歲首相聚官閣煮茗清談論詩讀書得縱觀一峯雲林若水諸真蹟此卷野石史君命李緝跋數語於後鈐印四緝即

宗榜復堂悞道人

乾隆丁巳冬野石告余市有海岳秋夜詩大

字卷幾得而失之今不可踪跡中心悻悻既

余以六十千獲之時野石已出守濟南乃摹

一本寄與庚申秋以備尚方用民間從此唯

存余臨本矣壬戌二月野石陸見來都出此

卷見示可與秋夜頡頏微惜損數字為後以

描補耳得天居士照鈴印三張照私印得天

法華卷

乾隆七年四月朔妻江王俊吳趨申有寅同

觀鈴印三王俊叔房綠水春風存寅

題籤

宋米元章行書曹子建元會詩

野石

得天題籤

裝後隔水

鑒藏寶璽

八璽

壽古希天子即事多所欣寓意于

物

叔傳印記

丙府印  
天水郡圖書印  
松雪齋印

野石野石寶玩鎮陽梁彬

米芾書絕句詩一卷

本幅素箋本。縱一尺五寸。橫二尺。行書。詩二  
首。下淨名。萬籟寒。深響羣山雨。半開遲遲暮  
鐘裏。且喚竹輿來。不集南山山翁茗。芋葛疆  
隨庭下青春鶯。雀飛幕府。慣為方外客。風前  
懶易道家衣。襄陽米芾醉書。鈐印一。米芾  
後幅前人題跋。張照跋。

光堯皇帝翰墨志云。米芾得能書之名。似無  
負於海內。六朝翰墨。副在筆端。故沈著痛快。

如乘駿馬進退裕如不煩鞭勒。無不當人意。然喜效其法者。不過得外貌。高視闊步。氣韻軒昂殊未完。其中本六朝妙處。醞釀風骨。自然超逸也。今觀二詩。醉中之趣。天然一種風味。似不食烟火人也。骨裏帶神仙者耶。昔景定改元。仲春良日。善雅堂書。鈴印一。幼立父東坡嘗謂張長史書必俟醉。或以為奇。醒即天真不全。此乃長史未妙。猶有醉醒之辨。僕亦未免此事。夫書酒醉乃奇。豈莊子所謂全于酒者耶。注于不云乎。得全于酒而乃如是。况得全于天者乎。天又奚其不全。人全斯天全耳。仰不愧俯不怍。上無攀仰。下絕已輕。斯天全與之遊。真氣居之。真化出焉。豈惟書哉。顧其書又安得不奇。若夫摹貳繪寸分而銖較之。兒若似矣。神則於爾索然。如施土禺以粉黛。而以珠玉紉紆被之。曰人也。人也。其

如不能言何。夫神也者，非可以繩繩之而削  
削之者也。須豪撫幅，若有會焉。我取之如捉  
月，宛在掌握中。筆落紙黑，乃條已失之。越隔  
萬里，神乎神乎，豈工之所能學乎？退筆如山  
未足珍，讀書萬卷始通神。亦只道著一半也。  
米元章在宋為書畫學博士。元祐諸賢多與  
友。東坡詩云：元章作書日千紙，平生自苦誰  
與美。豈知千載下，隻字寶同明月珠乎。此帖  
蕭散逸遠，雄秀瑰奇，想見其人。超然物外，興  
酣落筆，雅致凌尚。蓋全其天者，歸德於酒，其  
自道歟。乾隆元年十一月，張照奉教謹跋。鈐  
印二：張照私印。得天。

鑒藏寶璽

叔傳印記  
珍藏  
印  
半圖書印  
印  
半峰印  
印  
半吳興唐禮

黃氏家藏武康封山世科之家印曾藏半楊  
居褚奐鑒定真蹟快雪堂畔果親王府圖書

記張應半印

謹按是蹟見書畫彙考標米海岳醉草題跋  
同

王巖叟畫梅花一卷

本幅絹本。縱六寸四分。橫三尺五寸七分。水墨畫梅。款巖叟。八分書在樹本上。有軻字編號。

後幅前人題跋。

題友人梅花卷。我家家在吳山住。路入梅花最深處。天空歲晚雪紛飛。遠屋寒香千萬樹。花時日日醉花邊。酒醒長吟花下眠。聽到禽啼欲斷。任教明月照青天。自從遊宦京華久。夢繞花前與花後。故山花發想依然。何遜才華已非舊。霜臺御史繡衣人。藏得橫斜水



而真一幅齊紈裁。皎雪華端渾是玉精神。蕭  
齊凍雨簷花落。紙帳夜寒燈影薄。恍然相對  
似還家。春信依稀生綠萼。綠萼春深日漸多。  
山中歸計尚蹉跎。玉堂日醉宮壺酒。其奈梅  
花似雪何。何當便赴看花約。花待霜天吹曉  
角。詩成却向畫中題。酒熟空思花下酌。無款  
鈴印一劉先臣。  
余素不能作詩。於詠梅詩尤不敢作。蓋古人  
賦詠者甚多。而贈笑人口者絕寡。余雖欲繼  
其後塵。惟恐點污清格。未嘗道著一字。茲承  
見示梅詠十絕。索和甚力。勉為摹寫萬一。梅  
其有靈。必為見誦。山迴風疾馬行遲。雪墮松  
梢打接雞。昨夜陽春添得否。舊枝應不似新  
枝。梅探苦無詩興。如東閣空有忘憂在。北堂  
得孤根。候春色。林逋知我也。非常梅。兩眼看  
花正未昏。花含微笑欲譚論。世人只愛顏如

玉心在天先用默存。嫩百歲冰梢斗柄迴。一時  
斷折為花開。小窗雪後寒如水。何得絲絲。白蝶來。  
嫩紅帶東腰。春意淺。瓊漿入口玉顏開。飄飄欲訪西  
王母。無奈瑤池雨。勒迴。蜂空有一生狂。此味從來不  
得嘗。我愛芳馨如鬣雪。幸無蘇武九迴腸。彷彿山林見  
白雲。等閒冰雪冷詩魂。看華不到長安道。只在江南  
烟水村。嫩羣仙正欲來。風去。憑仗丹青喚得回。寶鴨  
焚香。滿羅幃。凝不消。笛聲吹斷夜迢迢。霜飛。月落無  
尋雲。欲倩青衣使者招。嫩玉顏。凝寒強對人。今年消  
瘦不勝春。相知只有窓前月。摹寫清風水上身。嫩四  
明鳥斯道。再拜元輝大掾先生。鈴印三。鳥斯道。印  
繼善。春草齋。清曉衝寒去。洛遲。經行多傍水。邊籬  
授詩欲問春消息。已遠孤山第一枝。嫩孤根入手

帶水霜。攜向林逋舊草堂。分付兒童勤愛護。  
來春生意倍尋常。梅種雪消風暖月黃昏。滿  
日春光不可論。看遍西湖舊游路。好花今有  
幾株存。梅觀只尺溪南。幾往迴。踈花還內掌  
中開。隴頭近日無知己。前路休傳驛使果。梅  
露華如水滴瑤臺。冰雪襟懷偶試開。浣盡香  
塵清透骨。玉顏呈處百花迴。梅浴手折瑤花  
喜欲狂。箇中滋味許誰嘗。香鬢嚙破餘冰雪。  
沁入搜詩舊肺腸。梅醉來欹枕卧梨雲。夢  
逐寒香幾斷魂。一夜月華清似水。隨風又過  
嶺南邨。梅一枝和月臨窓几。便覺春從硯  
沼回。欲寫風神歸舊譜。毫端仿佛見花開。梅  
歷盡水霜恨不消。冷風殘雪路迢迢。縱然夜  
落錢塘渚。未許山林俗士招。梅枝枝瘦骨  
冷侵人。占斷西湖水底春。昨夜小牕殘月曉。  
不知何處著吟身。梅南湖金洗拜和鈴。印

三。角束本清。青衫白髮。

題籤北宋王巖叟梅花棠村珍賞。

裝前隔水

鑒藏寶璽

八全璽

叔傳印記忠徹明安國玩大明錫山桂坡安

國民太氏書畫印虛朗齋李君實鑒定

印在橋

李李氏鶴夢軒珍藏記嘉禾李氏珍藏李珂

雪珍藏爽溪李亨子京香嚴居士神遊心賞

瞻衮堂墨林子希松仙史會心處長病仙項

子京氏。項子京家珍藏。項元汴印。子京父印。  
墨林秘玩。神奇。世外法寶。墨林嬾叟煮茶亭。  
長子孫世昌。惟心淨土。墨林硯癖。桃花源裏。  
人家蘧廬。項元汴氏審定真蹟。寄傲墨林山。  
人退密。子京所藏。項叔子逸民游方之外。冶。  
溪漁隱。桃里癖。茶居士。墨林山人。子京珍秘。  
若水軒。項墨林鑒賞。西疇。項墨林山人。宮保。  
世家。墨林。項季子章。項元汴印。秋碧蕉林。梁。

氏書畫之印。蕉林居士。蒼巖。

謹按是蹟。見書畫舫書畫彙考。俱標嚴叟梅  
花而不著姓。至梁清標始籤為王巖叟。考嚴  
叟宋史有傳。并諸書。俱不言其善畫。其畫入  
乾  
清宮所藏。宋人法書冊中。

郭思戲羊圖 一軸

本幅絹本。縱六尺五寸。橫三尺三寸。設色畫古梅山茶。嬰兒弄羊花下。款郭思。鈐印一。不可辨。

鑒藏寶璽 八璽

謹按郭思。邱之子。崇觀中應制作山海經圖。畫馬得曹韓遺法。見畫史會要。

李唐雪江圖 一軸

本幅絹本。縱三尺二寸八分。橫一尺四寸五分。水墨畫。雪天空濶。水陸川塗。凍擢寒竇。貫魚邨居。款李唐作。

玉池董其昌題

李臨古雪江圖。乍披之似唐人筆。宋思陵所謂李唐畫不減李思訓也。董其昌題。鈐印。董其昌印。

鑒藏寶璽

全。璽




收傳印記耿昭忠信公氏一字在良別號長  
白山人收藏書畫之記都尉耿信公書畫之  
章。

蘇漢臣重午戲嬰圖 一軸

本幅絹本。縱五尺一寸七分。橫三尺六寸五分。設色畫樹陰敞榭。曲橋蓮沼。羣嬰逐隊雜戲。無名款。

鑒藏寶璽

八璽



楊无咎畫蝴蝶花 一軸

〔本幅素綾本。縱一尺七寸五分。橫九寸。淺設色。畫蝴蝶花。危石棘針帶草。款紹興改元春三月。楊補之畫。鈐印一。楊无咎印。〕

御題行書

无咎野梅夙擅名。別裁蝴蝶寫如生。乍看嫋娜蹁躑態。作賦無輸宋廣平。乙巳仲春上澣御題。鈐寶二。古希天子。猶日孜孜。

玉池

御筆 相態如真。 鈐寶三古希天子。壽八徵耄

念之寶。

鑒藏寶璽八璽全

收傳印記子京珍祕。王烟客書畫記願生長  
者讀書之家。

謹按楊无咎字補之號逃禪老人南昌人高  
宗朝以不直秦檜累微不起筆法清淡閑野  
為世一絕出圖繪寶鑒

江參林巒積翠圖 一卷

本幅絹本。縱一尺三分。橫八尺二寸。水墨畫。層巒密樹。野約行舟。款。江南江參。鈐印二。江參貫道。

御題行書

千里江山上。士為董家曾。是寶藏之印。來神韻。都無二。會合豐城又一奇。重疊雲山慘淡林。訝非手寫寫於心。底須更藉九思定。欲傲香光。

未著吟。樹作濃陰峯未蒼。分明夏景望中涼。  
米家顛語議絹黑。鱸地雖陳亦豈妨。鉅卷香  
光稱獨珍。恐歸御府致沈淪。即今合璧成雙美。  
試問畫禪嗔不嗔。乙巳仲夏之月御題鈐寶  
二。古希天子。猶日孜孜。

引首

御筆 覽勝聯珍 鈐寶一。古稀天子之寶。

鑒藏寶璽

八璽

古希天子壽

收傳印記圖史自娛文口之寶印。焦林恒山  
梁清標玉立氏圖書淨心抱冰雪宋犖審定  
雲中。

謹按江參字貫道江南人長於山水出畫繼



夏圭江山無盡圖一卷

本幅絹本。縱一尺四寸五分。橫五丈五寸。淺設色。畫江景。無名款。

御題行書

焦墨誰臻禹玉珽。別裁無盡見江山。禪和即色即空界。高士不衫不履間。千里孰尋原與委。一揮頓就往和還。漫嫌幅裏失題識。神在真超形迹闕。已酉孟冬中澣御題。鈐寶二。古稀天子。

之寶猶日孜孜

引首

御筆 無盡藏觀 鈐寶一。古稀天子之寶

後幅臣工題跋

內府畫卷一長五丈有五寸意猶未盡蓋年久  
斷爛或裝滿家割失故幘尾無作者名款印  
記而舊籤題夏圭江山無盡圖圭山水師李  
唐用墨如傳粉王汝玉謂其用筆自然可駭  
可愕徐渭謂其蒼潔曠迥含形悅影此卷山  
雄水遠樹樛石硬布置邱壑皆臻其妙印以  
石渠寶笈所奔圭溪山清遠秋江風雨諸卷  
意脗合其出圭手無疑考嚴氏書畫記有江

山無盡圖。當即此卷。陸深謂宋室倚長江為  
 湯池。故當時畫手多喜為之。陸完亦有紹興  
 年間寫南朝剡水殘山之誚。亦一時藝諫微  
 意也。至無盡語。出內典。蘇軾以江上清風山  
 間明月為造物者之無盡藏。臣等伏讀  
 御製題句。不以幅裏題識為憑。泯色空而遺形迹  
 獨取神在。蓋相馬不以驪黃。讀書非由糟粕。  
 妙悟真解。引而伸之。直與造物無盡矣。臣王杰  
 彭元瑞。臣董誥。臣孫士毅。臣金士松。拜手稽  
 首。恭跋鈐印三。臣王杰。

鑒藏寶璽  
 全 五福五代堂古稀天子寶八徵耄

念之寶。寓意于物。落紙雲烟。讀書依竹。靜用筆

在心

馬麟畫花卉 一冊

本幅絹本。八對幅。每幅縱四寸八分。橫六寸一分。設色羣卉。一木香錦葵。有蝶。二紫丁香。有蜂。三玉芙蓉。四蓮。有水鳥。五象牙紅鹿。葱。六鵝毛玉鳳花。七芙蓉。八桂。每幅款馬麟上。有楊后題字。一蛺蝶尋芳。坤寧睿筆。二上苑韶光。三御園嘉卉。丙子。四清和池沼。五瑞露凝香。丙子。六瓊葩玉映。丙子。七秋塘曉艷。八

桂林爽氣各鈐坤卦印。對幅金粟牋本。

御筆分題行書

別開生面馬蹄香。玉蕊瓊葩各鬪芳。點染椒塗  
供睿賞。那更五國憶淒涼。半臂江山猶可撐。  
韶光上苑正怡情。了知衣紫勝衣白。不見山人  
覲面迎。非春艷復非秋朵。掌上仙人金殿旁。  
別有鍾陵寄遐思。可須畫史恨王嬌。新蓮出  
水鳥相呼。御沼清和儼入圖。泛索如將縱逸目。

定須小駕出西湖。瀛海珊瑚堪作筓。崑崙瓊

琇乍為盃。九天沆瀣擎來滿。漢武金盤底藉哉。

鼓翼翩翻儼欲飛。九苞未睹德為輝。鳳兮奚

被鵝毛號。難解丹青寓意微。祇候能傳待詔

風。徒觀疏渲極精工。碧江未見舒霞脚。幻出霜

前一帶紅。爽入金雞月有光。碧瓊枝上粟霏

黃。皋塗自是臨安美。使我遐心憶鷺香。甲申

春日御題。每幅分鈐寶。寫心所寶惟賢。中有同

春。漱芳潤。筆花春雨。心清聞妙香。研露。即事多  
所欣。叢雲秀色入窓虛。寓意于物。化工四氣為  
全施。妙意寫清快。涵虛朗鑒。乾隆宸翰。

鑒藏寶璽

八璽全

古希天子。五福五代堂古稀天子。

寶。八徵耄念之寶。

收傳印記。御書之寶。

印半內府圖書。


印半潘迪。

子京父印。墨林祕玩子京。

謹按書史會要載楊皇后書法類寧宗宋史亦稱后通書史丙子乃寧宗嘉定九年也或

以為后妹稱楊妹子且議其用坤卦印為偕





陳容六龍圖 一卷

本幅素牋本。縱一尺一寸二分。橫一丈五尺二寸。水墨畫雲中六龍。驚濤樹石。自題天工不停手。戲弄五輪指。鼓閭闔。呼鴻濛。急鉤招搖遣風使。帝敕直下馮夷宮。水客波臣那敢怒。啾啾赤帝持口鐸。斗文腥血青鉤光。須臾歛歛出游戲。八表駭口雌雄翔。赤水元珠工簸弄。怒奴迸突雙眼眶。風雲出沒在方寸。宇

雷不敢收毫七鐵山欲裂海水黑水鱗雪甲  
凌高岡曹劉虎眎嗜漢鼎食槽諸馬窺長江  
隆中老子莫輕出丈夫以此觀行藏鈴印一  
所翁

御題行書

豈曾擲杖戲仙翁走筆為龍龍性通物既有奇  
必有偶禪如非色亦非空之而天矯神間過鱗  
鬣龍影意外工設以時乘喻乾德體斯未信企

慙中。戊戌仲春用舊題陳容九龍圖韻御題

鈐寶二乾隆

後幅臣工和章

破壁風微繼此翁筆蹤先後擅靈通。峽疑初  
劈林疑謫。雲若乘虛水若空。六位九陽非異  
義。一神兩化自同工。因

詩教悟義又旨。總在  
乾行不息中。臣于敏中恭和鈐印二。臣于敏中以

寓葵心

畫龍天下號陳翁。雲氣猶疑赤岸通。觸石為  
霖應徧雨。在天成象已飛空。披瀝遠湧洪濤  
勢。點筆寧爭片甲工。行健恰符乘六御。  
先天一畫契文中。臣梁國治恭和鈐印二。臣國治

流傳名蹟世推翫。醉筆淋漓顯氣通。似駕雲  
車羣聳望。疑開天闕勢爭空。得來墨瀟標神  
品。

題處驪珠信化工。正值乘乾開泰日。順時

需澤洽寰中。臣王杰恭和。鈴印二臣王杰敬書

淋漓醉墨似顛翁。六法能將八法通。噓氣成  
雲驚宛宛。揮毫落紙妙空空。延津台信有神  
護。破壁飛甯遜藝工。先後探珠輝

聖歲

時來行健寓圖中。臣董誥恭和。鈴印二臣董誥

用九曾圖識此篇。時乘利見義相通。垂天大  
矯疑噓氣。抉石之而欲破空。筆繞烟雲猶未  
散。心存造化不求工。驪珠探得輝

宸為常在

思波萬雨中。臣金士松恭和。鈴印二臣金士松敬  
潤

廣題兩度識家翁再睹風雲脫下通拔澗六  
飛全作勢為霖三伏悉騰空自來丁甲勤撫

天藻幾餘傳迭唱

契將東外得環中臣陳孝泳恭和鈐印云臣孝泳  
敬書

鑒藏寶璽

八璽

古希天子五福五代堂古稀天子

寶八徵耄念之寶

收傳印記楊仰之書畫印莊虎孫印虎孫寅

三父寅三墨韻堂印虎晴霞山房書畫圖章

喬松堂鑒定書畫印惟庚寅吾以降

謹按陳容字公儲號所翁長樂人端平二年  
進士為莆田守詩文豪壯善畫龍得變化之  
意出閩畫記

趙孟堅自書梅竹三詩一卷

本幅素紙本。縱一尺四分。橫一丈一尺五分。  
行書。里中康節庵畫墨梅求詩。因述本末  
以示之于固。逃禪祖花光。得其韻度之清麗。  
間庵紹逃禪。得其蕭散之布置。回觀玉面而  
鼠須已自工夫較精細。枝枝例作鹿角曲。生  
意由來端若爾。所傳正統諒未節。捨此的傳  
皆偽耳。僧定花工枝則粗。夢良意到工則未。



女中却有鮑夫人。能守師繩不輕墜。可憐聞  
名未識面。云有江西畢公濟。季衡醜粗惡拙  
祖。弊到雪蓬觴濫矣。所恨二王無臣法。多少  
東隣擬西子。是中有趣豈不傳。要以眼力求  
其旨。踢鬢止七竅。則三點眼名椒梢鼠尾枝。  
分三疊墨濃淡。花有正背多般蕊。夫君固已  
悟筌蹄。重說偈言吾亦贅。誰家屏幃得君畫。  
更以吾詩疏其底。康不領此詩也。又有許

梅谷者。仍求又賦長律。濃寫花枝。淡寫梢鱗。  
皴老幹。墨微焦。筆分三踢。攢成瓣。珠暈一圓。  
工點椒。糝綴蜂鬚。凝笑壓。穩拖鼠尾。施長條。  
盡吹心。側風初急。猶把枝埋雪。半銷松竹。襯  
時明掩映。水波浮處。見飄搖。黃昏時候。籠明  
月。清淺溪山。長短橋。閑裏相挨。如有意。靜中  
背立。見無聊。筆端的。瀝明非畫。軸上縱橫。不  
是描。頓覺坐成春盎盎。因思行過雨瀟瀟。從

頭總是楊湯法。拚下工夫豈一朝。王翠岩

寫竹求詩亦與古。畫畫物無定形。隨物賦形  
皆迫真。其次祖述有師繩。如印印泥。隨前人  
尚疑屋下重作屋。參以新意意乃足。晉魏而  
來幾百年。義獻斷弦誰解續。何況高束李杜  
編。江湖競買新詩讀。願君種取渭川一千畝。  
飽飯逍遙步捫腹。風晴烟雨盡入君心骨。吐  
出毫端自森肅。員大夫來子章何碌碌。三

詩蓋梅竹譜也。然胷中無詩者見之扞格。翠巖得詩後數月。忽問余曰。所求畫竹詩耳。乃及李杜編何也。余笑曰。非君不解。世無人為君言耳。作詩必此詩。定知非詩人。不聞此語耶。皇甫表工學於斯。聞余詩欣然求書。正恐胷中無詩種。又扞格耶。識者為余一撥。余老不事多言云。景定元禩良月六日。所寓邸乃鹽橋王氏家。二鼓燭下書。諸王孫趙孟堅子。

固葵齋居士記。鈐印三。孟堅子固葵齋接紙。

前人題跋。

僕與子固交最蚤。得子固詩章畫墨尤夥。寶祐丙辰。子固與正翁校書法。累數十紙。僕把玩不釋手。於是篝燈摹榻。一夕而竟。厥明。子固驚喜。援筆成跋。幾二千言。兵後所藏散失。而二君亦已矣。一日皇甫子昌訪僕山陰。袖出子固景定庚申所贈梅竹詩譜及正翁跋語。三復之餘。如見顏色。子昌實子固中表正翁實僕內兄弟。見似人而喜。於焉乃重為感慨云。後二十九年戊子仲夏。汴陽錢應孫定之。父書鈐印三。錢應孫印。菊泉書林。

畫謂之無聲詩。乃賢哲之寄興。有神品有能品。神者才識清高。揮毫自逸。生而知之者也。

能者源流傳授下筆有法學而知之者也伯  
氏彞齋天資穎悟人品既高以其文章書法  
之諸餘游戲翰墨為衆芳寫生運筆如飛氣  
韻清拔生動造妙其入神品者乎乙卯春子  
昌至自毘陵彞齋留侍筆硯欽慕師事口授  
筆傳摹倣弗釋是秋彞齋遊壑翁闔幕子昌  
改館於高文長之烟雨優游閑雅時而習之  
心得手應漸入佳趣後數年彞齋獎之曰工  
於斯傳子固之餘芳者其子昌乎彞齋已矣  
子昌之筆日進見似之者而喜子昌袖彞齋  
畫法詩表求余著語余深嘉其志之篤欲勉  
其藝之精超乎能品援山谷先生題宗室大  
年畫卷云大年學東坡作竹石殊有思致筆  
意覺柔年少故耳使大年耆老自當十倍於  
今精義入神子昌勉諸淳辰中秋趙孟深題  
鈴印四君澤芳洲直齋燕懿王宮與孝康王

中位之裔。

昔李伯時表弟喬仲常親授筆法。遂入能品。今喬筆世罕有。其貴重殆不減龍眠。用志不分。乃凝於神。子昌勉之哉。子昌年少志銳。深造而自得之。自成一家可也。李喬之事。又何足尚云。咸淳戊辰良月。天台董楷識。鈐印。四。天台董楷中齋。董正翁印。中峯董氏。余幼年侍彛齋兄遊。見其得逃禪小軸。及閒。卷橫卷。卷舒坐卧。未嘗去手。是以盡得楊湯之妙。先兄好學耽書。每作一事。不造其精處。則不已也。平生留意翰墨之外。它無一毫世俗好。志之專必功。功必精。此豈晚學之所能哉。予作此。君彛齋兄每亦許之。雖法文蔚然。筆意之傳。實自彛齋兄。皇甫表昔侍彛齋游。所作蓋有源流。先兄已矣。君其勉之。咸淳戊辰小暑。日書於清遠樓。竹所趙孟淳子真鈐。

印三。竹所。子真。虛閒野史。  
吾友趙子固以諸王孫負晉宋間標韻少游  
戲翰墨愛作蕙蘭酒邊花下率以筆硯自隨  
人求畫與無新色往往得之易歲之多亦  
未之寶也。晚年步驟逃禪工梅竹吐吐逼真  
予自江右歸頗悟逃禪筆意將與之是正而  
子固死矣。鄉人云子固近日聲價頓偉片紙  
可值百千。予未敢謂信。一日鬻書者携數紙  
未少室果印所聞。豈人情不貴於所有而貴  
於所無耶。皇甫君步驟子固者也。出于固論  
畫真蹟一卷及其所作蕙蘭雖然而觀感  
慨係之吁。子固不可作矣。得彷彿子固者斯  
可矣。皇甫君其勉之。咸淳丁卯五月晦日隆  
禮書於春詠堂。鈴印一。葉隆禮士則父。  
余免時在鄉里斛峯先生齋中見墨蘭數本  
筆法飄逸可愛。知有浙右趙子固名矣。所恨



其時未知此趣。不能鑒賞。及長大宦遊四方。於江西士友間。多見楊逃禪畢公。濟墨蹟。游戲天。真清絕。令人意消。及來禾興。知子固為邦人。深切自喜。首問其喬木故家。則渺然無處。詢訪禾興為郡。為浙右最陋邦。以財雄。酒色相尚。而好古博雅者。絕無其人。抱璞荆山。至寶橫道。可重太息。賴有別駕息齋李侯。中原毓秀。為方今天下名人。公餘得游。從論書畫。足以及破除塵俗。然侯止留心於竹。不甚及他品。為張一。日有皇甫秀才相遇。形神龍驤。語言如泉。絕不類秀人。自言能畫水仙梅蘭。問知為子固表弟。毘陵寓客也。得子固親傳。妙處往往過之。青出於藍。與子論畫中三昧。無不中鎬。因出子固傳授詩翰一卷示余。余吐可。寶之。借觀旬餘。不忍去手。余謂子固不特

畫蘭水仙為古今第一。若書若詩皆入能品。豈學力可到耶。噫。吾雖不飲酒。知酒莫如我也。余嘗同皇甫君游。俱徒步市中。但見其精彩。皦人步履如飛。問其年曰七十有三。矍鑠哉。是翁也。抑真水仙中人乎。喜之不足持為書相見本末。了卷尾以還。他時瀛洲會上。水晶宮中。婆婆政坐諸君耳。解后拈起此段公案。亦足以相顧一笑也。大德五年歲在辛丑。月建卯。鄱陽吳亮米松。都陽吳氏。集雅堂鈐印。亮米松。都陽吳氏。三印皆之。大猷太和山淨樂宮提點竹隱趙公博雅好古。藏其宗中之長者。故元趙子固子真子潞。及句曲天雨張外史。制之名士董楷輩所作。戲墨詩跋一卷。予時奉旨使本宮。竹隱求為識之。展玩屢日。不欲去手。惟宋文運最興。而子固諸昆皆承宗室。孟字傳號之喬。與元松。

雪趙文敏公同派。悉能一屏。侈器或作為孫  
墨。或發為詩章。則清妙絕塵。自有一種王孫  
意氣。金玉標姿。宣世俗所可企及也。今竹隱  
為方外士。猶能守其家世。善珍襲之。抑賢矣  
哉。故書以復其請云。昔永樂二十二年甲辰  
歲七月朔日。正一嗣教清虛冲素光祖演道  
真人。領道教事四十四代天師。西壁翁張罕  
清書。予與竹隱同庚。時年皆六十一矣。而予  
目青手顫。不能成書。因筆及之。鈴印三。湛碧  
軒。西壁四十四代天師章。  
卷首有項子京潔字編號。

鑒藏寶璽

全八璽

收傳印記  
俞叔子印  
俞定延篤  
延篤私印  
口

泉山。六藝之圃。項氏孔軫種玉生泉亭古  
石。聖謨懷玉軒。藍田。西楚王孫。鴛鴦湖長。項  
墨林鑒賞章。子孫永保。項子京家珍藏。項墨  
林鑒賞章。墨林祕玩。墨林子寄傲。世外法寶  
若水軒。項墨林父祕笈之印。子京。子京所藏。  
子孫世昌。子京父印。平生真賞。項叔子。墨林。  
子京所藏。宮保世家。項元汴印。有何不可。虛  
朗齋。神遊心賞。田疇耕耨。退密樵李。項氏士

家寶玩沮溺之傳墨林主人項聖謨印孔彰  
氏孔彰式古堂式古堂書畫印式古堂書畫  
令之仙客卞氏令之曠齋祕玩令之清玩永  
譽之印口口居士

謹按此蹟見鐵網珊瑚及書畫彙考卞氏書  
于張昇清跋後尚有楊循吉二跋史明古一  
跋不知何時為裝者割去

文天祥書謝昌元座右辭一卷

本幅麻紙本。縱一尺一寸五分。橫一丈五寸。  
草書。周公謂魯公曰。君子不弛其親。不使大  
臣怨乎。不以故舊無大故。則不棄也。孔子曰。  
君子篤於親。則民興於仁。故舊不遺。則民不  
偷。周公傳國。孔子立言。懸懸於親戚。故舊者。  
皆所以厚風俗。美教化也。世遠人亡。經教殘  
弛。漢蘇章為刺史。行部有故人為清河太守。

設酒肴陳平生之好甚歡乃曰今日故人飲酒私恩也明日刺史案事公法也不知太守謂誰厥罪惟何觀其一天二天之說是必巧言令色之鮮仁而非直諒多聞之三益也然既與之有平生故舊適然相逢只當忠告善道委曲勸勉使之悔過遷善或使之自作進退何乃待之以杯酒加之以刑責蓋賣友買直釣名干進爾而論章者多亦不復用然則

何益哉。世變愈下。人心愈非。至唐韓子則嘆有反眼下石。為禽獸之所不為者。宋蘇子則謂爭半年磨勘。雖殺人亦為之者。觀韓蘇之言。則蘇章杯酒殷勤之歡。亦無之矣。周公垂訓。必歸之成德君子。有旨哉。右敬齋謝先生座右自警之辭。人之所以為人者。以有人倫也。朋友居人倫之一。其視君臣父子兄弟夫婦。雖其情理有降殺。而義之所起。皆天性之



不能自己者。惟其出於天性。是以均為人道之大端。親者無失其為親。故者無失其為故。各盡其分。所以為人也。自漢蘇章有刺史故人私恩公法之語。世以為故然而莫知其非。傳為故實。流俗雷同千餘年。於此先生本之人心。按之經義。用春秋誅心之法。以賣友買直。釣名干進。以發其微。於是知章之不可干以私。乃自私之尤者也。正使當時繇是而為。

公為卿外物之得。曾何足以救本心之失。況  
不必得乎。語曰。觀過斯知仁矣。先儒謂君子  
過於厚。小人過於薄。章不足云也。先生之論  
足以樹大倫。敦薄夫。求來學之陷溺。而約之  
正。先生真仁人哉。咸淳癸酉六月吉日。後學  
文天祥書。鈐印一。文天祥氏。

後幅前人題跋

司徒敦倫朋友居一天典民象萬世不易參  
諸宵雅伐木之詩朋友故舊合而言之忠厚

俗成國脉以毒友誼既薄於國何有蘇軾于  
禁以及源懷責友取名忠焉在哉昔唐于西  
著論正友敬齋述之矯薄歸厚文山健筆立  
懦廉頑扶植名教蓋夫汗顏我與二公皆同  
朝舊人亡書存悲懷孔疚後儀王應麟題  
伐木宵雅之一詩也朋友廢缺序詩者重為  
世道嘆其所繫豈小哉敬齋先生著漢刺史  
私恩公法之辨殆有感而發文文山先生為之  
書又從而申其說皆所以敦友道扶世教也  
考所題數月在咸淳癸酉明午時事非矣文  
公身為楚囚手作顏帖且不肯大口他人謝  
公流落天涯不避形跡不顧禍福慨然周之  
無難色可以愧世之責友者矣文公於君臣  
之分謝公作朋友之誼益而盡之焉乎民莫  
之不與世變俱泯者豈非斯文力哉二帖宜  
為謝氏子孫寶上章因敦嘉平既望荆谿蔣

右謹書。鈴印三。蔣氏。具瞻。湖東蔣氏。  
之語。以為賣友。干進。置座右。以為自警。丞相信。  
國文公。為之書。復申其義。以為使章繇足而。  
得公。得卿。外物之得。不足以救其本心之失。  
况不必得乎。嗟乎。風漓俗偷。友道淪喪。世之。  
刻薄。而傷倫害義者。往往舉章以藉口。而侈。  
然自以為得。使其見二公之論。寧不大愧於。  
心乎。此其扶世教。拯頹風。敦薄俗。為不少。  
予不及見。敬齋識其遠孫孟本。其為人忠信。  
其於故舊甚厚。真能守其家訓矣。使其為章。  
寧不鄙其所為乎。孟本間出以示余。謹書而。  
歸之。時宣德二年歲次丁未夏四月既望豫。  
章萬韞。揮跋。鈴印五。竹清軒素位而。行萬韞。  
揮氏進士之章。手探月窟。  
余嘗病夫。洪蘇章二天之說。太史公不沒其。

事書之史籍後世以為故實去數百年而有  
敬齋謝先生用春秋誅心之法以為賣友買  
直釣名干進之論且文丞相又發其義以開  
來學嗚呼二公之忠誠義氣如烈星赤日照  
耀千古惜其遭時之不偶人亡書存不能表  
而出之痛哉子友孟本為謝氏令子宜珍藏  
之以俟後之子孫之賢者卓而傳之庶幾無  
泯於斯文也耶時宣德丁未孟秋初吉為城  
郝智跋鈴印三金門退食夢口番陽世家  
源家藏宋丞相文公書遠祖敬齋先生所著  
座右自警之辭嘗以大畧語于雲間陳良啓  
先生遂紀於卷其詞有曰敬齋為時名臣史  
當有傳又曰宜謁甬東之族以迺譜焉源在  
行間弗獲宋元全史以考之惟觀陳子堙先  
生宋鑑綱目有文丞相留燕見王積翁欲合  
宋官謝昌元等十人請釋為道士留夢炎不

可。事遂寔。由是並。於。齊。為。文。公。之。故。交。也。  
永樂二年。春。天。台。趙。宋。進。還。鄉。里。託。求。族。譜。  
於。甬。東。乃。于。源。之。叔。祖。季。平。先。生。處。求。獲。敬。  
齋。行。實。以。得。源。且。知。敬。齋。第。四。子。同。知。大。柏。  
為。源。之。高。祖。也。謹。錄。於。卷。以。實。陳。先。生。之。言。  
故。嘉。議。大。夫。禮。部。尚。書。謝。昌。元。字。叔。敬。資。州。  
資。陽。人。亡。宋。淳。祐。四。年。以。易。經。魁。蜀。省。登。進。  
士。第。累。官。至。祕。書。少。監。初。寶。祐。五。年。以。知。施。  
州。除。太。常。博。士。召。赴。行。在。所。繼。令。長。子。大。椿。  
領。累。去。蜀。泛。舟。南。下。至。下。鄂。州。大。江。中。流。寓。  
世。祖。皇。帝。提。兵。渡。江。時。大。椿。方。七。歲。適。當。兵。  
馬。之。衝。意。其。無。復。全。活。尚。書。亦。已。忘。其。有。子。  
矣。至。至。元。十。三。年。南。宋。歸。附。尚。書。派。寓。慶。元。  
至。十。四。年。口。月。口。日。有。脫。脫。出。劉。奉。御。與。大。  
椿。責。擊。聖。旨。到。來。慶。元。路。宣。召。尚。書。赴。闕。當。  
問。父。子。驚。喜。相。與。對。泣。大。椿。備。言。自。見。獲。之。

後蒙世祖皇帝收置左右保抱携持。至世祖  
皇帝登大寶奉聖旨。令張平章看養教導。以  
至長大。聖恩如天。涓埃莫報。今世祖皇帝又  
見江南秀才。每問知大人。係亡宋名儒。欲養  
老乞言。令大椿與脫脫出。劉奉祀銜命宣大  
人一見。尚書遂對奉御感泣再拜。謝曰。某亡  
國之臣。年已七十。不事二君。人臣之義。重以  
未薪之憂。不能造朝。惟奉御曲為回奏。俾孤  
死首邱。實拜聖朝之賜。奉御不可其請。大椿  
又泣曰。大人不行。則大椿無復見皇帝大人  
與疾。朝告歸。未晚。而臺府趣行。愈力。尚書  
至。十五年。口月口日。就道。迤里到大都。大  
安閣裏朝見。聖旨。勞問甚悉。分付西平章。他  
是直南好秀才。你好看覷他者。因問南宋諸  
事。尚書隨聖問。奏對。天顏忻悅。中間辭氣慷慨。  
蒙帝威獎。借馬。又蒙聖問。謝秀才欲何官。

尚書奏稱奴婢亡國之臣不敢拜陛下官職  
當時蒙宣賜衣襖茶飯而退繼奉聖旨俾就  
翰林院勾當未領職間又奉聖旨隨駕上都  
嗣是日蒙宣問因得歷陳時政得失無所傾  
忌奉聖旨將謝秀才所奏各事編行天下累  
蒙聖問欲得何官尚書累辭不拜曰陛下安  
用此亡國之臣至當年七月內忽承宣命賜  
以前職勾當專一講究中書省裏公事尚書  
再拜不允繼有阿里奉御傳聖旨謂他是秀  
才賜听居名為南儒書院見存平章嚴範泉  
所書勅賜南儒書院六字留京十有四年常  
以三開自持一曰開門非好人不見二曰開  
口非好事不談三曰開眼非好書不觀中有  
言利之臣以江南屯田之利惑上聽尚書力  
奏罷之常奉聖旨令與西平章作伴當尚書  
策其必敗力辭不受後相哥丞相當國炙手



可執尚書杜門不出。累請歸骸。奉聖旨。俺從  
直南喚得恁來。正欲為養老乞言之用。恁休  
回去。俺根底有者。至元二十四年。有火魯火  
孫丞相奏謝尚書年老。生受有事要回去呵。  
怎生。聖旨特賜寶鈔五十錠。外於月俸錢上  
增添一錠。再奉聖旨。授翰林學士。尚書終于  
不拜。至二十七年十月內。有尚書省奏。謝高  
書年紀大有不勾當也。與些盤纏呵。怎生。欽  
奉聖旨。他是西川人。有教他回去。本地裏  
或江南去的。教識者麼。道欽此。於二十七年  
九月初十日。因病不祿。得年七十有九。男五人。長  
大梅。高唐州知州。次大杞。處州麗水縣尹。三  
大桐。本郡象山縣。王泉場司。合四大柏。温州  
瑞安州司。知五大桂。燕山茂異舍人。未仕。先  
亡。女四人。長適同邑陳安甫。二適史孫丞。字

嘉卿三名德元侍奉父親死則廬墓終身不  
嫁詔旌表貞孝之門見存授虛靜真人四未  
嫁而亡俱葬鄞邑翔鳳鄉之原  
右有宋尚書敬齋謝先生座右自警辭一通  
凡三百一十五字丞相文文山先生手書之  
其後二百八十二字乃文文山所跋語也辭翰  
兼美觀者貴之是為敬齋裔孫姑蘇孟本先  
生家藏舊蹟先生能世濟厥美旅寓貴州折  
革行與子交者也間從余索題予視其左衣  
古今諸名公贊翼之辭既詳且盡珠聯玉綴  
矣予吻安置哉縱勉為之而二公高風大節  
固非末學所能輕重也然先生意雅終可虛  
辱乎謹按敬齋所著漢蘇章書友釣名之論  
出於千百年之獨斷誠有功於人倫非文山  
表而出之其湮沒不能暴白于世也決矣是  
則文山之有功于敬齋者又為何如哉使死

者無不知則已。或曰：昔唐之張鎮周，事亦相類。而議者不知，貶何耶？曰：事固有事同而實異者也。夫鎮周盡歡於故人，雖同其所以明致其告戒之詞，使其無撓于法，則孺文初未嘗及之。此其所異也。惡得概與歟？抑考之文山書此時當度宗咸淳癸酉，迄今殆百有五十餘年。而墨蹟宛然，其間桑田滄海者，不知其幾矣。況畫之斷簡乎？足雖由于孫之賢能寶之，要亦有神物護持，用存世戒也。為先生後者，尚益謹之哉！時大明宣德四年歲在己酉秋八月中秋前二日，順昌廖昉致遠謹書。鈴印五強經臨池學古雙峯廖氏致遠清白傳家。

文山先生所書敬齋座右銘文章之義字畫之妙諸老亦既言之。文山孤忠完節古今一

人是卷天球河圖間世之寶也余以太獄謫  
戍遠左十年卜居錦州晉謁松翁司馬出示  
此卷翁他無所好獨珍玩是書也同然之感  
千載一時乃爾載拜觀之後復識歲月云是  
年余亦蒙恩赦回也嘉靖丁酉上元日嘉州  
程啟充以道拜書鈴印一我岷山人

題簽

御筆 文天祥書謝昌元座右辭內府鑒藏 鈐寶二

神品 乾隆宸翰

鑒藏寶璽八璽

收傳印記 云中棠村審定蒼岩子蕉林祕玩


觀其太畧蒼岩冶溪漁隱

錢選楊妃上馬圖 一卷

本幅宋牋本。縱九寸。橫三尺七寸。設色畫。明皇乘馬前行。回顧太真欲上。導從宮監八人。侍女四人。自題玉勒雕鞍寵太真。年年秋後幸華清。開元四十萬疋馬。何事騎驪蜀道行。鈐印三。舜舉印章。舜舉錢選之印。

鑒藏寶璽

全。八璽



錢選畫花鳥一卷

本幅素綾本。縱一尺二分。橫九尺八寸。設色  
畫三段。一桃花翠鳥。自題。青春景口一何嘉  
老去無心賞物華。惟有仙家景堪翫。幽禽飛  
上碧桃花。鈐印四。錢氏翰墨游戲。舜舉錢選  
之印。二牡丹。自題。頭白相看春又殘。折花聊  
助一時歡。東君命駕歸何速。猶有餘情在牡  
丹。舜舉寫生。鈐印三。舜舉。舜舉印章。錢選之



印三梅花。七月之初金口口。愁暑如焚。流雨  
汗。老夫何以變清涼。靜想嚴寒冰雪面。我雖  
貌汝失其口。口不逢時亦無怨。年華冉冉朔  
風吹。會待攜樽再相見。至元甲午。畫於太湖  
之濱。并題習嬾翁錢選舜舉鈐印三錢氏其  
二不可辨。

御筆分題行書

穠纖洗盡餘清嘉。源中洞口均空華。只有鶯羽

翩翻集占却一樹春風花。艷酣每值好春殘。  
行雨流雲莫妬歡。破頰鼠姑常笑日。始知執苑  
有還丹。鄧尉村前春已迴。玉梅娘娘融粉汗。  
一種天然林下風。詎作妖嬈桃李面。千載逋仙  
是知己。雪壓冰摧夫豈怨。雪溪一幅貌炎涼。寓  
意有在不言見。用卷中原韻三首御題。每段  
分鈐寶。內府書畫之寶。典學勤政。稽古右文之  
璽。乾隆宸翰。幾暇臨池。

後幅前人題跋

吳興謂錢畫趙書馮筆為三絕而選畫花尤長。蓋不在花葉枝幹之似賦形生色如化工自然真絕藝也。昔人謂徐熙畫花與常工異。若趙昌雖精于設色而無生理。李元本雖學于熙而通天機。不若熙之進乎技。今觀選此作當不在熙下矣。思重奉常造心繪事。元鑒精通當自辨之。辛未九月。稚觀因題。延州道人黃姬水鈴印三。江夏生黃姬小印。生延州。壬申閏月初七。與思重並支硯。還時春陰花事很。籍舟中展雪川翁此卷。真有化工在筆端也。太原王穉登題。顯香幢居士陳汝器鑒藏。鈐印三。顯香幢居士琳瑯陳汝器印。昔人畫竹謂聊寫胸中逸氣。予素不知畫。然

花卉入纖媚一路。似非繪事上乘。此卷古雅  
生動中。神氣道上。自是君身有仙骨。可以移  
贈。李應薦識。鈐印一。李應薦印。

鑒藏寶璽

八璽

乾隆御賞之寶

收傳印記。李書樓。希世有。廣陵李書樓珍賞。

圖書。續香幢鑒藏印。汝。半古軒書畫印。信公。

鑒定珍藏。耿昭忠信公氏字在良別號長白。

山長收藏書畫印記。珍祕。宜爾子孫琳望陳。

氏家藏。

錢選鑑古圖 一軸

本幅絹本。縱二尺二寸五分。橫一尺九分。設色畫珍玩羅列。三人對坐品評。兩姬侍。無名款。鈐印一。舜舉。

鑒藏寶璽

八璽全。

收傳印記。筆端造化。陸繼宗氏。陸氏家藏。曾在秋湄山人。玉蘭堂印。